

Guangjisi Minzcu Bau

ganhhau: CN45-0036 B.2016 Nd.8 Ng.3 liggaeuq bingjsaen nienz ndwencaet coit

Gih Raeuz Bi 2016 Sawcuengh Vahcuengh Suij- bingz Gaujsi Youq Guengjsae Minzcu Dayoz Gauj

全区 2016 年度壮语文水平考试在广西民族大学举行

7 nyied 30 hauh banringzgvaq, gih raeuz bi 2016 Sawcuengh Vahcuengh suijbingz gaujsi youq Guengjsae Minzcu Dayoz gauj. Baez gaujsi neix gungh miz 430 boux bauqgauj, ndawde, cogaep 152 boux, cungaep 181 boux, gaugaep 97 boux, saedsaeh camgya gaujsi 376 boux. Gaujseng cujyau daj Namzningz、Liujcouh、Fangzcwngzgangj、Ginh-couh、Gveigangj、Baksaek、Hozciz、Laizbinh、Cungzcoj daengi 9 aen si gak gaep gihgvanh、giyez saehnieb danhvei、godij gunghsanghhu daengi daeuj. Gaujseng mboujdan miz Bouxcuengh, hix miz Yauzcuz、Mauznanzcuz、Gwzlauzcuz、Mulauzcuz daengi gaujseng saujsu minzcuz, lij miz mbanj gaujseng Bouxgun dem. Gaujseng boux ceiq geq dwg Guengjsae Yisuz Yozyen boux gyausou duiyoh Nungz Gvagh gaenq ndaej 79 bi lo, boux ceiq oiq dwg hagseng Namzningz Si Yunghningz

Gih Minzcuz Cunghyoz ngamq ndaej 16 bi.

Baez gaujsi neix dwg bi daih' it Swcigih Yinzminz Cwngfuj baecinj Sawcuengh Vahcuengh suijbingz gaujsi cugyamq haiguh hong canzdaiva, Swcigih Minzyijveij gaenxmaenx boiqhab guh swcigih cizsuz gak gvendaengz danhvei、gak si bumwnz guhhong vah minzcuz haenx gvangqlangh senhconz fatdoengh, cujiz haiguh hong gvendaengz bauqgauj caeuq hongsaeh gaujsi. Gaujsi ngoenzhaenx, Swcigih Minzyijveij fucujyin Vei Yungjhungz、fusinziyenz Yiz Feih caeuq Guengjsae Minzcuz Dayoz gvendaengz lingidauj cunzyawj gaujciengz.

Ciuq cam rox, daj bi 2012 buenq bi laeng doxdaeuj, Namzningz Si Yinzsegiz、Cizgaijban、Gyauyuzgiz doiq lauxsae cungh siujyoz、gyau-yenzyenz gak gaep guhhong sonhag Cuengh Gun song vah saw haenx bingz

cizcwngn seiz, boux gaenq gauj ndaej Sawcuengh Vahcuengh suijbingz gaujsi mbawcingq mizgven daengigaep haenx ndaej mbouj yungh gauj cizcwngn vaiyij; Namzningz Si Minzyijveij ciusou loegyungbouxvunz camgoeng、yienzlaiz Vujmingz Yen Gvangjbo Densidaiz ciu bouxboqyaem lanzmoeg Vahcuengh cungj iugouz boux bauqgauj itdingh gauj ndaej Sawcuengh Vahcuengh suijbingz gaujsi mbawcingq mizgven daengigaep haenx; Swcigih Gyauyuzdingh、Guengjsae Minzcuz Dayoz、Guengjsae Swhfan Yozyen daengi doiq hagseng gvendaengz conhyez camgya Sawcuengh Vahcuengh suijbingz gaujsi nem daengigaep cingzeik hix guh ok gangjmingz gveihding. Gwnz-biengz yungh gij cingzeik Sawcuengh Vahcuengh suijbingz gaujsi haenx cugyamq ndaej daengz gwnzbiengz gak hangz gak nieb nyinhhawj.

(Swcigih Minzyijveij)



Lungzswng: Daegsaek Minzsuz Yinx Hek Lai

龙胜：特色民俗醉游人

Mboengqneix, Lungzswng Gak Cuz Swciyen Lungzcin Cin banh gaiq daeuz ciet ciengxndang mingh gyaeu, haimuq ngoenzhaenx banh le guh ceiz、ngaizbakranz minzcuz、ep bya、biujyienj gofoux minzcuz、vut gamou daengi daegsaek minzsuz hozdung, hawj gyoengq bouxhek caenhcingz daejniemh gij yinxdaeuz daegbied minzcuz Lungzcin Cin.

Gaen geij bi neix daeuj, aen yienh neix cugyamq guhbaenz aeu minzsuz fungcingz youzcet、ciengxndang mingh gyaeu youzcet、swngghdai lajmbanj youzcet daengi guh daiqbuij daegsaek lijyouz hanghmoeg, mboujduenh daezswng lijyouz binjiz caeuq fugsah suijbingz, yinx ndaej haujlai bouxhek ndaw guk rog guk daeuj yawjngonz youzcet. Ndaw doz dwg vunzmbanj cingq guh ceiz.

(Banh Cisiengz/潘志祥 Cinz Yenyen/陈燕燕)

Beixnuengx Saujsu Minzcuz Guengjsae Daizvanh Youq Lungzlinz Yen Dwzngoz Cin Doxcomz

桂台少数民族同胞齐聚隆林县德峨镇

7 nyied 27 daengz 28 hauh, bi 2016 Guengjsae Daizvanh saujsu minzcuz vwnzva doxgyau hozdung nem cietbogfeiz Yizcuz Lungzlinz youq Lungzlinz Yen Dwzngoz Cin banh. Saujsu minzcuz vwnzva doxgyau canhfangjdonz daj Daizvanh daeuj haenx、gyoengq bouxyawj ndaw yienh rog yienh caeuq beixnuengx Yizcuz daengi 20000 lai boux vunz camgya hozdung.

Cietbogfeiz bineix aeu “Guengj-

sae Daizvanh haijyaz song hamq caencik caez gangj caencingz、caez maeuz hwngfat、doxyaeng doxgap” guh cawjdaez, hozdung neiyungz baugvat 27 hauh gyangngoengz banh gaihmsuz、caeq feiz、soengq roeg-vaiqguhvaiguz、ciengj gyaeqbit、ciengj bawxmoq、daz najndaem daengi; banhaemh banh dongfeiz vanjvei. 28 hauh banhaet youq aen yienh neix Aen Cungsim Langhbaij Vwnzva Minzcuz Minzsuz it laeuz

funghhaihoih ciuhai aen hoih bi 2016 Guengjsae Daizvanh doxgyau vwnzva saujsu minzcuz, banringzgvaq bae Dwzngoz Cin Denba Cunh Mbanj-canghgyahcai guh sawveh ingjsiengq langhbaij.

Hozdung lai cungj lai yiengh, louz gij yaenqsiengq ndei hawj gyoengq bouxyawj, gyalae gij cingzngaih beixnuengx song hamq.

(Dauz Dwzgvangh/陶德光)

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第 3235 期

SIUSIK DINJ

简 讯

● Bineix doxdaeuj, Mungz-sanh Yen laebdaeb gyahung dajcaux “seiggeiq haijva” hanghmoeg, dajndaem vagwz-sangh、godaengngoengz、nywj-bienmax、nywjbakngoengz daengi doenghgo va, caemhcaiq gya-hung gajindei roenloh、diengz-yietnaiq、baizdazroen daengi giekdaj sezsih haijva ginggih, ceng'aeu youq ciet bet nyied cibngux、ciet guekgingq song aen ciet hwng lijyouz neix, aeu gij gingjsaek gyaendei angq-coux bet fueng bouxhek.

(Gvanh Sinh)

● Gaen geij bi neix daeuj, Liujcouh Si Yungzsuij Myauzcuz Swciyen Vaizbauj Cin yungh gij vunqsik “gunghsw + hozcozse + gihdi + noengzhoh”, haenqrengz doicaenh laj faex ndaem raetndangj diegguyiengh hwnj-guh, daiqdoengh 1000 lai ranz-ndaemfaex youq laj faex ndaem golingzcih 4000 lai moux, bi sou ndaej raetndanghawq 4800 lai fanh goenggaen, bi canjciz 4800 lai fanh maenz, doidoengh vunz gungzhoj vut gungz baenzfouq.

(Lungz Dauh)

● Bineix, Sanhgyangh Dungcuz Swciyen daj bi 2016 buek daih' it caizcwng ngaenz-cienz cienhangh bangrex dawz ok 1872 fanh maenz ngaenz bangcoengh canjnieb hwngfat, boujciengj ranzungzhoj hwngfat ndaem caz、ndaem haeuxnaz ciengx bya、ndaem ywdoj、ndaem maklozhangoj daengi daegsaek canjnieb, doenggya gij fuengsik “gunghsw + hozcozse + ranzungzhoj”, bangcoh ranzungzhoj demgya souhaeuj, vut gungz baenzfouq.

(Vuz Lenyinh)

● Gaen geij bi neix daeuj, Lingzsanh Yen dawz “gungganq gizdieg gijndei canjnieb、hwngfat daegsaek ginghci” dangguh roenloh cujyau doicaenh lajmbanj moq hwnjguh caeuq coicaenh bouxguhnaz laisou baenzfouq, cungfaen yungh swhyenz bonjdieg, gyavaiq nungzyez canjnieb gezgou diuzcingj, hwngfat gizdieg daegsaek canjnieb, byaij ok diuz roen baenzfouq “it mbanj it yiengh” “it mbanj lai yiengh” he.

(Liz Hihcouh Cinz Lanzlanz)